

Buzsam miz song boux lwg, bouxmbwk ndeu bouxsai ndeu.

Buzsam samcib bi bihaenx, daeggvan baenzbingh biek gyoengqde bae lo. Seizhaenx dahlgw ngamq ndaej seiq bi, daeglgw ndaej song bi. Buzsam bouxdog nyaengq ndaw nyaengq rog, laep ok laep dauq, ciengx doiqlwg majhung, gij haemzhoj haenx mbouj yungh gangj. Lij ndei, doiqlwg majhung le roxsoq youh hauqswnh, neix hawj Buzsam ndawsim raeujrubub.

Dahlgw haq youq gyawjmbanj, sam ngoenz haj ngoenz couh ndaej maranz yawj meh, moix baez maranz yawj meh cungjdwg fwngz ndeu riuj noh, fwngz ndeu riuj bingjdiengz, doiq daxmeh cam nit cam raeuj, lij ndaej bang vunzranz guh haemq lai hong reihnaz dem, neix hawj gyoengqbouxgeq ndawmbanj lwgmbwk haq bae gya mbouj ndaej gingciengz maranz yawj bohme haenx hozhaenz dangqmaz, gyoengqde baez raen dahlgw Buzsam byaij haeuj mbanj daeuj couh naeuz “Buzsam caen mizfuk”. Dingq daengz coenz vah neix, Buzsam ndawsim angqfaeng-faeng.

Daeglgw ngeihcib bi, youq ranz guh sam moux reihnaz, gwn ndaej imq, mbouj mizmaz cienz, aen ranznamh ciuhgeq ce roengzdaeuj haenx caengz ndaej gaijbienq, de naeuz: “Meh, gou yaek bae Gvangjdungh dajhong, aeu cienz maranz hwnj ranzlaeuz, mwngz bouxdog youq ranz guh reihnaz daiq hoj lo, bau hawj vunzmbanj guh ba! Gou geiq cienz dauq hawj mwngz yungh.”

Daxmeh naeuz: “Mbouj youq-gaenj, di reihnaz neix gou lij guh ndaej, boux guh reihnaz mbouj guh reihnaz ndang mbouj cwxcaih, caiq gangj lij miz dahcej mwngz bangfwngz, mwngz cuengqsim bae ba.”

Daeglgw gangj daengz guh daengz, de bae dajhong sam bi, ndaej cienz dauqma hwnj ndaej aen ranzlaeuz ndeu lo, yienznaeuz caengz

De naemj, vunzguhnaz baenzneix dwgrengz, aeu gwn imq cij ndaej bw. De faenbied ra vunzguhnaz daeuj doxging, liujgaij daihgya baenzbi aeu geijlai haeux, heuh gyoengqde ranzranz cungj gangj gij cingzgvang vunzranz, vunzguhhong bonjfaenh okdaeuj, seiznyaengq aeu gwn geijlai, seizhoengq youh gwn geijlai, ranzranz cungj aeu geq soq seuq bae. Daihgya cungj gangj, bouxlaux lwgnyez daengx ranz vunz bingzyaenz moix vunz aeu ndaej 600 gaen haeuxgok cij cengq-gengz gaeuq gwn, doenghbaez gvidingh, vunz bi louz haeuxgwn mbouj ndaej mauhgvag 480 gaen, yienghneix mbouj gaeuq gwn ha, caemhcai lai ok haeux youh mbouj ndaej lai gwn, vunzungq miz yigen. De youh ra gangu gunghse doxging, ra gyoengq boux gunghcozdui doxyaeng, caeuq goengdaeuz yenveij doxngex, doeklaeng dingh naeuz: Vihliux gujli vunzguhnaz lai ok haeux, gij



miz cienz cang ranz, hoeng, Buzsam hix muenxeiq raixcaix.

Daeglgw naeuz: “Meh, gou caiq bae dajhong song sam bi dem, aeu ndaej cienz ma cang ranz ndei le, gou couh youq ranz buenx mwngz gvaq saedceij, ndeindei hauqgingq mwngz.”

Daxmeh dingq le aengyauej ngaek deihdindin, fouq lwgda lij hamz miz raemxda dem……

Daeglgw caiq bae mbouj geij nanz couh dwk dienhvah dauq naeuz miz youx lo. Buzsam baez dingq, angq dwk saetdiuq lumj lwgnyez nei, lij cien daengq fanh daengq daeglgw ndwencieng aeu daiq bouxyoux maranz gvaqcieng. Buzsam baez cuengq dienhvah couh gipmuengz bae coemh yieng: Baeuq, raeuz miz bawx lo……miz bawx lo……Buzsam simdaeuz ndaet dwk gangj mbouj ok vah.

Bihaenx ndwencieng dwg Buzsam hajcib bi gvaqdaeuj cei q angq haenx. Boubawx dwg bouxvunz roxleix youh gaenxguh ndeu, hongranz hongdoengh de cungj guh dwk dinfwngz riengiret. Buzsam doiq boubawx neix muengxeiq dangqmaz.

Gvaq cieng le, Buzsam heuh

songde bae lingx gezvunhcwng, mboujnex mbouj hawj songde bae dajhong. Song bouxcoz naeuz, mbouj gip, rom cienz cang ranz ndei gonq caiq gietvaen. Gangj baenzlawz Buzsam cungj mbouj doengzeiq.

Songde cijndei sien lingx gezvunhcwng, caj cang ranz ndei le caiq cingjlaeuj. Mbatneix Buzsam onjsim lo.

Saehndei laebdaeb daeuj. Mbouj geijlai nanz, daeglgw dwk dienhvah ma naeuz mehyah mizndang lo, hoeng songde mbouj siengj aeu lwgnyez baenzvaiq. Buzsam dingq le gip dwk lumj duzmoed gwnz rekndat nei, naeuz: “Danghnaeuz sou dawz lwg ok, gou mbouj nyinh sou guhlwg guhbawx, gou muengh bouxlan neix muengh baenz hajcib geij bi lo, gou yungzheih ma? Ngu……ngu……Buzsam nyaenx mbouj ndaej daej lo. Song bouxcoz mbouj siengj hawj daxmeh siengsim, couh doengzeiq lo. Buzsam angq dwk bungz vunz couh naeuz de miz lan lo……

Mizndang cib ndwen, boubawx maranz senglgw lo, Buzsam gaj gaeq saemz noh, guenjgoq dahbawx, rubruh daeglan, nyaengq ndaw nyaengq rog, nyaengq dwk baegfefe, hoeng, aennaj de ciengzseiz riunyumnyum.

(caengz sat)



Fungsou

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

swnghcanjdui fanzdwg lai gai haeux hawj guekgya haenx, seyenx bouboux cungj ndaej louz haeuxgwn 600 gaen. Liengzdungz ok haeux lai, gai hawj guekgya caemh lai. Bi 1965 demlai haeux 180 lai fanh gaen, vunz ok haeux 1200 gaen, cawz liux mauhsoq guh baenz hongdaengq guekgya le, moix vunz ce haeuxgwn baez daih’ it dabdaengz 600 gaen, gyoengq ginzcung angqyangz dangqmaz.

Baihlaeng mbanj Mbanjliengz-dungz, daj Lanzmungz daengz

Ndoinding, Daemzcouh rangh dieg neix, bya ndoqndangndang, haujlai dieg vihliux rom namh rom bwnh lij canj namhbeiz, namhraemx laesaet haenq lai. Veiz Gozcingh doiq duicangj gunghcozdui naeuz: “Lauxho, raeuz aeu ra hoengq, fatdoengh vunzmbanj ndaem faex cauh ndoeng, siumied byandoq.” Ho Yiyenz han: “Gou doengzeiq. Gunghcozdui mbouj-danh aeu gaem ndei swnghcanj, lij hawj bang lwglan Liengzdungz guh di saeh ndei ndeu.” Gwncieng gvaq le,

caengz nyaengq cingeng gonq, ginggvaq gunghcozdui caeuq gij ganbu Gunghse Liengzdungz cingsim gyoebcomz, daengx se 20 aen swnghcanjdui, cienzbouh okhong, ciuq dieggeng faen benq bauguh, haenq guh song aen singhgiz le, faexlgw gocoengz cix ndaem doh 450 lai moux ndoifwz. Gij faexlgw Veiz Gozcingh daiqdaeuz ndaem haenx, seizneix gaenq baenz ndoeng gvaq, mwncupcup.

(caengz sat)